

立添典契字人林祥記即林恒茂有承祖父建置大甲水田貳段五甲址在下大安庄東至路爲界西至李家田爲界南至張家田爲界北至鄭李家田爲界西庄壹段東至大路爲界西至張家田爲界南至小路爲界北至林家田爲界另下大安庄尾厝地菜園壹所東至林家滴水西至李家田南至水溝北至李家田四至界址俱各面踏分明原帶大安溪圳水通流灌溉充足歷年配納德化社大租粟肆拾石今因年限已滿祥又乏銀別用願將此田再出添典外再托中引就向與下大安庄李仕生和尚全再出首承典依時議定值添典價各員柒錢秤佛銀伍佰大員連前典字內清番銀壹仟壹百零捌員計共貳次典價添典佛銀壹仟陸佰零捌員正銀契即日全中兩相交收足訖其田銀主依舊耕作贖佃約定陸年爲滿自癸未年春起至戊子年冬止限滿之日聽業主脩足銀數贖回原字如項未備仍聽生等贖佃收租各無異詞保此業係祥等物業與別人無涉亦無重張典掛他人如有祥一力抵當不干銀主之事此係仁義交關今欲有憑立添典契字壹紙併帶上手典契壹紙共貳紙付執爲炤

批明上手契現時搜尋未出面議可存祥處無用繳帶此炤

再批明即日全中親收過添典字內各員柒錢秤伍佰大員連前典字內清番銀壹仟壹百零捌員共貳次佛銀壹仟陸佰零捌員正完足再炤

在場人林秋亭 (花押)

說合人羅祥正 (花押)

代筆人林朝俊 (花押)

光緒捌年拾月

日立添典契字人林祥記即林恒茂